

Politikikkut ataqatigiissaarisoqatigiit tallimannngornermi 4 april 2014-imi nal. 12:00 ataatsimiinnerannit imaqarniliaq.

Peqataasut:

Politikikkut ataqatigiissaarisoqatigiit:

Vittus Qujaukitsoq, VQ
Siverth K. Heilmann, SKH
Nick Nielsen, NN
Jens-Erik Kirkegaard, JEK
Martha Lund Olsen, MLO
Sten Lyngø, SL
Jørgen Wæver Johansen, JWJ
Asii Chemnitz Narup, ACNA
Hermann Berthelsen, HB
Ole Dorph, OD
Martha Abelsen MA

Peqataatitaasut:

Svend Hardenberg
Peter Hansen
Jørn Skov Nielsen
Susie Marthin Kjeldsen
Olafur P. Nielsen
Steffen Ulrich-Lyngø
Lars Lennert Sandgreen

Imaqarniliortut:

Marianne Petersen, Tina Naamansen

Avataanit peqataatitat:

Henrik Rafn
Lise Buchardt

Oqaluuserisassat:

1. Oqaluuserisassat akuersissutigineqarnerat
2. Kingullermik ataatsimiinnermi imaqarniliap akuerineqarnera
3. Ilisimatitseqatigiinneq – a) kommunit aamma b) Namminersorlutik Oqartussat inissisimanagerat)
4. Ilisimatitsissutissat
 - a) Suliniutinut annertuunut kommuninut Namminersorlutillu Oqartussanut kinguneqaataasinnaasut
 - b) 2014-imi nunaqarfiit ataatsimeersuartinneqarnissaat pillugu ilisimatitsissut
 - c) Sanaartornermut tunngasuni immikkoortunut pilersaarutit
 - d) Aaqqissuusseqqinnerup nalilersorneqarnerata killiffia
5. Suliassat isumagineqarneri pillugit eqqartuineq
6. Akuersissutigineqartussat
 - a) Naligiissaarinerimik ataatsimoortumillu tapiissutsinik suliaqarneq
 - b) Tusarniaaneq tunuliaqutaralugu ulloq unnuarlu paaqqinniffeqarnermut tunngasuni kaammattuutit pillugit nalunaarussiaq

7. Tulliani ataatsimiinnissaq
Siunnersuut: 23-26 maj 2014-imi Ilulissani aamma sap.ak. 32-mi 36-miluunniit
nunaqarfinnik ataatsimeersuartitsinermi.
8. Tamalaat

Immikkoortoq 1-imut – Oqaluuserisassat akuersissutigineqarnerat

Oqaaseqaatitaqanngitsumik akuerineqarput.

Immikkoortoq 2-mut – Imaqarniliap akuersissutigineqarnera

Akuerineqarpoq, **JWJ** iluarsissutinik imarisatigut iluarsinerunngitsunik nassiussissaaq.

Immikkoortoq 3-mut - Ilisimatitseqatigiinneq

Aalisarneq pillugu isumasioqatigiinneq Nuummi 2-3 april 2014-imi. Qeqqata Kommunian kisimi aggersarneqarsimavoq tamannalu naammaginangilaq kommunit tamarmik aalisarnermik soqutigisaqarmata. **MA** ilassusiivoq KANUKOKA inissanik marlunnik tunineqarsimasoq kommunillu tamarmiunngitsoq aggersarneqarsimanerat eqqumiigaa. Kommunit soqutigisaminnut aggersarneqarlutillu akuutinneqarnissaasa imaqarniliamut ilanngunneqarnissaa **VQ-p** piumasaraa.

Kommunit KANUKOKA-miillu ilisimatitsissutit.

Kommune Kujalleq – JWJ

- Kommunip direktøreqarfinnut marlunnut avinneqarfigisaanik kommunimi aqqissuussineq nutaaq januaariip aallaqqaataani atuutilerpoq: Ingerlatsineq aamma ineriartortitsineq/sulisoqarneq. Innuttaasut pitsaannerusumik sullinneqarnissaat siunertaasimavoq maannalu innuttaasunik sullissinnermut ingerlatsivimmik pilersitsisoqarsimalerpoq.
- Innarluutilinnik isumaginninnermut, ulloq unnuarlu paaqqinniffinnut inissiiernerut, atuartiliortiternerut, allaffissornermi atortunut aningaasartuutitut, radoneqarnermut oqoqarneranullu ilimageriinngisamik aningaasartuuteqarnerusoqarsimavoq tamannalu 2010-mit 2011-miillu siumoortumik akileraarutigitanut akiliivallaarnermut utertitsinissamik kinguartitsinikkut sipaaruteqarnikkullu akiorniarnearpoq.
- Taamaattumik pingaaruteqarpoq Qaqortumi mittarfiliornissamik politikikkut neriorsuutitta piviusunngortinnissaa taamaalilluni taanna kingusinnerpaamik 2018-imi piareerneqarniassamat.
- Akiitsunut tunngasuni Savalimmiuni akiitsunik akiliisitsiniartarnermik aqqissuussatut taaneqartartup misiligutitut atuutilersinneqarnissaa sulissutigineqarpoq.
- Kujalleq sukannernerusumik nakkutigineqarpoq kukkunerisuiisullu ingerlaannartumik attavigineqarsimapput. Naatsorsuutit qimerloorsimavaat Namminersorlutillu Oqartussanik suleqateqarnertik qujassutigaat.
- Nanortalimmi, Alluitsup Paani Qaqortumilu aalisakkeriviit kommunimut pingaarutilerujussuupput. Apriliimi maajimilu saarullinniartaqaaqusaanngilaq tamannalu suliffissaaleqissutaasarpoq. Naalakkersuisup **FK-p** aalisarnerup pingaaruteqassusia isumaqataaffigaa islandimiullu ilinniarfigineqarnissaat aalisakkamillu tamarmiusumik atorluaasarnissaaq kissaatigalugu oqaatigalugulu Kujataani sumiiffinni ikittuni suffinerissa nalaanni pisarineqarsinnaanissaat ammaanneqarsimasoq.

Qaasuitsup OD:

- Kommuniip agguataarneqarnissaa pillugu marsip ulluisa 25-anni taasititsisoqarpoq. 81 %-it akuersaarput 19-illu akerliullutik. Taasineq apriliip ulluisa aappaanni kommunalbestyrelsiut saqqummiunneqarpoq kommunilu kommuninut marlunnut pingasunulluunniit agguarneqassanersoq eqqartorneqassaaq. VQ-p apeqquteqaataata tiguneqarsimanera akineqarumaarneralu uppersarneqarpoq.
- Pingaartumik aalisarneq kommunimut pingaaruteqarpoq aalisakkallu suliarineqarnissaannut suliffissanik pilersitsisoqassaaq, tamanna aalisakkanik pisiortortunit piumasarineqarsimavoq aalisakkat tamarmiutillugit qerisut tunineqartannginniassammata.
- Ass. angallassinermik suliassa qarfimmuut tunngasuni kiffartuunneqarnissamik isumaqatigiissuteqartoqalerpat tamatuma suleqatigiissutigineqarnissaa kommunip kissaatigaa kommunilli nalunaarfingineqarput isumaqatigiissutit naammassillugit isumaqatigiinniutigineqangajalereersut. Maanna isumaqatigiissutaasut ukiumik ataatsimilluunniit sivitsorneqarnissaat siunnersuutigineqarpoq, tamaani najugallit neqerooruteqarsinnaaniassammata.

Qeqqata Kommunian HB:

- Aalisarneq pillugu isumasioqatigiinnermi angusatut suleqatigiissitanik tunisineq il.il. pillugit ajornartorsiutinik suliaqartussanik pilersitsisoqarpoq. Angusat oqaloqatigiinnerillu pitsaasuupput.
- Suliffissat amerlisimapput taamaammallu suliffissaaleqineq siornarnit annikinneruvoq suliniuteqartoqassaarli innuttaasullu ikiliartorput.
- Kommunimi direktøritut atorfik ataaseq inuttalerniarneqarsimagaluartoq inuttaqanngilaq.
- IPadeqartitsinissamik suliniut aallartereerpoq maajimilu naammassineqassanganneqarluni taamaammallu najugaqarfinni tamani akikitsuararsuarmik internetertoqarsinnaanissaa naatsorsuutigineqarpoq. Naalakkersuisut suleqatigiillu arnermut periarfissamullu qutsavigineqarput.

Sermersooq ACNA:

- Sermersooq sukannernerusumik nakkutigineqarpoq aningaasaqarnermullu pisortaq nammineerluni Aningaasaqarnermut Naalakkersuisumut saaffiginnissimavoq. Arlalinnik suliniuteqartoqareerpoq, ilaatigut Aningaasaqarnermut Ataatsimiititaliami arlaleriarluni eqqartorneqartarsimavoq immikkoortortaqarfiillu tamarmik sipaaruteqarnissamut nalunaarsueqquneqarsimapput. Naalakkersuisoq ataatsimiigiaqquneqarsimavoq.
- Sermersooq 2016-imi Arctic Winter Gameseqarnissaanut aqqissuisuusussaavoq Nuummiinnarli suliassap isumagineqarsinnaaneranik naliiisoqarpoq taamaattoorli kommunit allat suleqatigineqarnissaat kissaatiginartinneqarpoq Nunatsinnut tamarmiisumut iluaqtaaniassammat.
- Illoqarfinni tamani najukkami siunnersuisoqatigiinnik pilersitsisoqassaaq Kommuneqarfik Sermersuumilu illoqarfinni amerlanerni innuttaasunik ataatsimiititsisoqarsimavoq.
- Atuarfeqarnermut immikkoortumut pilersaarusiortoqarsimavoq killiffillu nalunaarutigineqarsimalluni, kiisalu ilinniartitaanermut tunngasuni immikkoortumut pilersaarut pillugu isumasioqatigiittoqarnissaa naatsorsuutigineqarpoq.

KANUKOKA MA:

- Ilisimatitsivoq Hans Peder Barlach Christensen juunimi direktørinngussasoq.
- Kommunit Inatsisartut Ilaqutariinnermut Ataatsimiititaliaannit isumasioqateqarluni apeqqutit tunuliaqutaralugit Ilaqutariinnermut Inatsisinillu Atuutsitsinnermut Naalackersuisumit allagarsipput, tassani kommunit kaammattorneqarlutik meeqqanik angerlarsimaffiup avataanut inissiinnermut atatillugu iliuusissatut pilersaaruserneq pillugu inatsisit malinneqassasut. Aammattaaq inatsisit malinneqanngippata Nakkutilliisoqarfimmut tamatuma nalunaarutigineqarsinnaanera allassimavoq.
- Ilaqutariinnermut tunngasuni, aamma allaffissornikkut suleqatigiittoqarluarnissaa KANUKOKA-mit kaammattuutigineqarpoq, kissaatiginarsimassagalarporlu apeqquteqaatinik akissuteqarnermut atatillugu KANUKOKA-p tusarniarneqarsimanissaa, tassami kommunit suliasamik isumaginninnerat pineqarluinnarmat.

Immikkoortoq 3 b)-mut Ilisimatitseqatigiinneq – Namminersorlutik Oqartussat.

Naalackersuisoq VQ:

- Kommuneqarfik Sermersooq sukannersumik nakkutigineqarpoq aningaasaqarnermillu aqutsiniarnermik ajornartorsiuteqarluni, ilaatigut aningaasanik tigorianaateqarnikkut kommunalbestyrelsip aalajangiinerinik malinnissinnaannginnermik kinguneqartumik. Aningaasaqarnermut Nunamullu Namminermut Naalackersuisoqarfiup kommune februaarip naanerani nalunaarfigaa sukannernerusumik nakkutigineqarallassasoq.
- Kommune Kujalleq sukannersumik nakkutigineqarpoq, pisut arlallit kommunip aningaasaqarnerliulerneranik nassataqarsimmata. Tamanna tunuliaqutaralugu kommunip Namminersorlutik Oqartussanut taarsigassarsianik utertitsilluni akiliinissaq kinguartikkumasimavaa.
- Akileraartarnermut, atugarissaarnermut pensionisianullu tunngasunik aqqissuusseqqinnissatut pilersaarut suliasaqarfippassuarnik attuissaaq. Aqqissuusseqqinnerit anguniakkanut makkununga tapersiiviunissaat akuerineqarpoq: Aningaasaqarnikkut siuariartorneq, inuiaqatigiit napatinneqarsinnaasumik aningaasaqarnissaat, amerlanerusut suliffeqalernissaat, amerlanerusut piginnaasaqalerfiusumik ilinniagaqalernissaat. Atugarissaarnissamut aqqissuusseqqinnerit ingerlalluortoq, inunnut pisortanit sullinneqarnissamik pisariaqartitsisunut tunngatitaq, kiisalu sanngiinnerpaat suliffeqaannarnissaannut, aamma pisortat suliasaqafiannik pisariillisaanissamut naleqqussaannissamullu periarfissaqarnissamik qularnaariffiusoq.
- 2014-imut aningaasanut inatsisip akuerineqarnerani aqqissuusseqqinnikkut nunatta karsianut 225 mio. kr.-inik isertitaqartoqarnissaanik piumasaqaammik Inatsisartut ilanngussipput. Aqqissuusseqqinnerit annertuut piareersarsimanissamik annertuumillu misissueqqissaarluni sulinissamik pisariaqartitsipput. Aqqissuusseqqittoqareerpat aatsaat 225 mio. kr.-inik isertitaqartoqarsinnaavoq.
- Missingersuutit pillugit suleqatigiinnissamut isumaqatigiissut 2003-meersoq nutarterlugu sulineq aallartippoq. Missingersuusiornermi suleqatigiinnissap nutaap imassai kiisalu siunnersuutit pingaartinneqartut malitseqartinneqartussallu suliarineqarput.
- Namminersorlutik Oqartussat aamma KANUKOKA tamanna tunuliaqutaralugu BDO qinnuigaa innarluutilinnut tunngasuni akiliisitsiniartarnermullu tunngasuni suliasamik nuussineq pillugu nalileeqqullugu.

- Nalunaarusiassanut missingiutit marluk tamarmik allaffissornikkut pitsaasuunissaannut qularnaagassanngortinneqarput tamatumalu kingorna missingiut inaarutaasumik nalunaarusiannngussaaq tusarniaassutigineqartussaq.
- Piginnaasanik qulaajaanissaq pisariaqartitallu pillugit suliassarititaasut Politikikkut Ataqaatigiissarisooqatigiit januaarip ulluisa 22-anni ataatsimiinnerminni akuersissutigaa. KL-ip apriilip qiteqqunnerani neqeroorummik nassiussinissaa naatsorsuutigineqarpoq.
- Digitalinngortitsinissamut periusissiamut nutaamut missingiut tusarniaassutigineqarpoq sammisanillu makkuninnga tunngaveqarluni: Tunngaviusumik paasissutissanik annertunerusumik akikinnerusumillu internetikkut nutarterineq, pisortat suliassaqarfianni pisariillisaaneq ataqaatigiisitsinerlu, digitalimik ilinniartitsineq piginnaasallu, tamat peqqissuunissaat, kiisalu nutaaliorneq aningaasalersuinerlu Periusissiaq naammassisaq 2014-imi qaammatit pingasukkuutaartut aappaanni Naalackersuisunit akuerineqassangatinneqarpoq.

Naalackersuisoq SL

- Ukiaanerani nassuiaatit pingasut agguanneqassangatinneqarput; toqujartortunut napparsimmavimmik pilersitsineq, inuit illoqarfitsik/nunaqarfitsik qimattariaarunniassammassuk, matumani kommuninik suleqateqarneq pingaaruteqarpoq. Inatsit isumaqaatigiissutillu aaqqinneqassapput.
- Nakorsat imartunerusumik ilinniartitaanerujunnaarlutik maanna immikkut ittumik ilinniagaqarnerusalerput tamannalu napparsimmaveqarnermut unammillersinnaassuseqartariaqartumut unammillernarpoq. Peqqissutsimut periusissiamik nutaamik suliaqartoqarpoq.
- Mittarfiit umiarsualiviillu pillugit immikkoortumut pilersaarusiorneq aallartinneqareerpoq. Taanna aggustimi septembarimiluunniit naammassissangatinneqarpoq.

VQ-p malugeqquaa ilaasunik angallassinermut tunngatillugu isumaqaatigiissutit sivitsorneqarnissaat kissaatigineqarmat, tamatumani isumaqaatigiissutit 2015-imit atuuttut juunimi naammassillugit isumaqaatigiinniutigineqarsimanissaat januaarimili/februaarimili nalunaarutigineqareersimalluni. **SL-ip** oqaatigaa kissaat taanna Naalackersuisuni eqqartorneqarumaartoq. 2015-imit allannguisoqarnissaata pingaaruteqassusia **JWJ-ip** erseqqissaatigaa. **OD-p** najukkami ingerlatallit niuerfimmuut akuulerniarnerat ajornakusoorsoraa.

Naalackersuisoq MLO

- Pingaartumik unammilligassat marluk sammineqarput; pensionisialinnik sivisuumillu suliffeqanngitsunik sullissineq, kiisalu meeqqanut inuusuttunullu tunngasunik nukittorsaaneq aallartinneqareerpoq. MIO-p nalunaarusiaa sammineqartorujussuuvoq, tassani kommunini inatsisinik unioqqutitsisoqarnera inerniliunneqarpoq, taamaattorli MIO-p misissuina tamakkiisuusorineqanngilaq piaartumilli annertuumik misissuisoqarnissaa pisariaqarpoq. Iliuissatut pilersaarusumik suliaqartoqarnissaa sulissutigineqarpoq, poorskereerpat kaammattuuteqartoqarnissaa naatsorsuutigineqarluni.

Naalackersuisoq NN

- Kulturimut periusissiaq suliarineqareerpoq taamatullu aamma ilinniartitaanermut periusissiaq tusarniaassutigineqarsimalluni. Atuarfimmuut tunngasut akimmisaarfeerutsinneqassapput tamannalu kommunit eqqumaffigissavaat. Kommune suliniuteqarnissamut assigiinngitsunik

pisussaaffeqarpoq Sisimiunilu suleqatigiillualersimapput ingerlalluartumik taamaattumillu kommunit kaammattorneqarput Sisimiuni sulineq isiginiaqqullugu.

Naalakkersuisoq SKH

- Kommunit sanaartornissamik kissaatigineqartut tiguneqarput naliliiffigineqarlutillu. Aningaasaqarnermut ataatsimiititaliap taakku akuerereerpagit nalunaaruteqartoqarumaarpoq. Iluarsagassanut aningaasaateqarfimmit nunaqarfinnut 174 mio. kr.-it immikkoortinneqassapput. Nuna tamakkerlugu inissiat 6400-t missaanniippat taakku ilarpasui iluarsaattariaqalersimallutik isaterinissarlugu pinngitsoorneqarsinnaanani.

Naalakkersuisoq FK

- Suliniutit suliffeqalissutaasinnaasut sulissutigineqarsimapput, Avannaani umiarsuarmik qalerallinnut tunitsivilisooqassaaq. Saattuarniutinik atuinnissamik qinnuteqartoqarsimavoq taakkulu akuersarneqarnissaat naatsorsuutigineqarpoq. **FK** sineriak tamakkingajallugu aalisartut unammilligassaat pillugit tusarniarlugit angalasimavoq.

Naalakkersuisoq JEK

- **JEK** suliffissaqartitsineq pillugu ilisimatitsivoq. Suliffissaaleqineq annikillisarniarlugu aaqiissutissat suli sulissutigineqarput. Aningaasaqarnermut ataatsimiititaliamut qinnuteqartoqarpoq marlungornermi naammassillugu suliarineqartumik. Paasissutissat ataatsimiinnermi elektroniskimik siammarterneqarput.

Immikkoortoq 4 a)-mut Suliniutinut annertuunut kommuninut Namminersorlutillu Oqartussanut kinguneqaataasinnaasut.

- **ACNA** aperaaq London Mining suliniummut annertuumut akuerineqarsimanersoq. **JEK** ilisimatitsivoq LM § 19 naapertorlugu akuerineqarsimasooq sulili qinnuteqarsimanngitsoq. London Mining suliniutit annertuut pillugit inatsit naapertorlugu akuerineqarsinnaavoq tamanna kissaatigigunikkut taamaattoqarnissaalu naatsorsuutigineqarpoq. LM-ip ukiup tulliani aallartinnissaa naatsorsuutigineqarsimavoq.
- Qinnuteqaatit assigiimmik suliarineqartariaqarnerat kissaatigineqarpoq.
- IBA-p suliarineqarnerani kingunerisassat naliliiffigineqarnissaat kissaatigineqarpoq tamannalu **JEK-p** tusaatissatut tiguaa.
- Rubininik qanittukkut paaasoqalernissaa **JEK-p** neriutigaa. Qinnuteqartut ilaasa aningaasaliinissaaq suli iluarsinngilaat. Aammattaaq Kuannersuarni ingerlallualernissaaq naatsorsuutigineqarpoq.
- IBA-p maajimi tulliani ataatsimiinnermi sammisatut ilaatinneqarnissaa **JWJ-p** kissaatigaa.

Aalajangiineq:

Ilisimatitsissut politikikkut ataqatigiissaarisoqatigiit tusaatissatut tiguaat IBA-millu isumaqatigiissutinik suliaqarneq ataatsimiinnissami tullermi oqaluuserisassami aalajangersimasumi tassani immikkut sammisatut eqqartorneqassaaq.

Immikkoortoq 4 b)-mut Najugaqarfinnut minnerusunut ineriartortitsineq pillugu ataatsimeersuarnissaaq 23-26 maj 2014

- **MA, HEBE:** Nunaqarfiit arlaannaalluunniit aggersaassummik tigusaqarsimanngilaq.

- **VQ:** Nunaqarfinit najugaqarfinniillu tamaneersunik peqataatitsisoqarnissaa siusinnerusukkut isumaqatigiissutaallunilu aalajangiunneqarsimavoq siunertamullu aningaasaliissutissat aalajangersarneqareerput. **JEK** nalunaarpoq kommunit aggersarneqarsimasut kikkullu peqataanissaannut ikiuteqquneqarsimallutik.
- **VQ:** Pilersaarutissatut missingiummi allassimavoq kommunit ukiuni tulliuttuni qulini ineriartortitsinissamut siunnersuuteqassasut tamannalu malugeqquneqarpoq. Pilersaarutitaanut tunngatillugu sulii ataqatigiissaarisooqarpoq.

Aalajangiineq:

Ilisimatitsissut politikikkut ataqatigiissaarisooqatigiinnit tusaatissatut tiguneqarpoq malitseqartitsisoqapallasaarlutik aggersaassutit nunaqarfinit tamanut nassiunneqarniassammata, kiisalu Kanukokamit Kanonupemiillu pilersaarummut kissaatigineqartut ilanngunniarneqarlutik.

Immikkoortoq 4 c)-mut Sanaartornermut tunngasuni immikkoortunut pilersaarutit

Aalajangiineq:

Politikikkut ataqatigiissaarisooqatigiit ilisimatitsissut tusaatissatut tiguaat.

Immikkoortoq 4 d)-mut - Aaqqissuusseqqinnerup nalilersorneqarnerata killiffia

- **ACNA** makku ilannguteqquai:
 - o c) utoqqaat: Kommune utoqqaat najugaqatigiiffiannik neqerooruteqarpoq.
 - o e) meeqqeriviit: Sulisunik pikkorissartitsineq
 - o f) pikkorissartitsineq – ilinniagaqaqqinneq
- Immikkoortumi suliasartat pingasut septembarimi suliarisassanngorlugit kinguartinniarnearput. **VQ:** Suliasartat septembarimi aaqqissuusseqqinnermik naliliineq pillugu ataatsimiinnermi suliarineqarsinnaapput.
- Attuumassuteqarneri naapertorlugit sanilliussisarlungi misissuisoqarlunilu naliliisoqarsinnaavoq.

Suliasaq suliarinnittussarsiuunneqarsimavoq BDO-lu isumaqatigiissuteqarfigineqarsimavoq neqeroorutigineqartoq naapertorlugu suliasaq suliarissagaa.

Aalajangiineq:

Politikikkut ataqatigiissaarisooqatigiit ilisimatitsissut tusaatissatut tiguaat naliliinissamullu kissaatigineqartut attuumassuteqarneri naapertorlugit ilanngunniarneqassapput.

Immikkoortoq 5-imut - Suliasat nuunneqarneri pillugit eqqartuineq

- Atuarfinnik atuartullu angerlarsimaffiinnik sanaartornermut, iluarsaanermut aserfallatsaaliinermullu akisussaaffinnik agguataarineq.

- **MA:** Suliasat pilertortumik nuunneqarnissaat kissaatiginarpoq. Suleqatigiissitanik suligasuartussanik pilersitsisoqarsinnaava?
- **VQ:** Periarfissat tamarmik ammapput suleqatigiissitanillu pilersitsisoqarsinnaavoq.
- **ACNA:** Suleqatigiissitaliornissaq kissaatiginarpoq. Kikkulluunniit suliniuteqarnissamut pisussaaffeqarput suliasarli nukinnguttariaqarpoq kommunini sanaartortoqarnissaa pisariaqartinneqarmat. Sulineq eqaallisarneqassaaq suleqatigiissitallu aprilimi ataatsimiissapput.

Aalajangiineq:

Atuarfinnik atuartullu angerlarsimaffiunik sanaartornerup, iluarsaanerup aserfallatsaaliinerullu ataatsimoortinneqarnissaat siunertaralugu suliap pineqartup salliutinneqarnissaa politikikkut ataqatigiissarisooqatigiit isumaqatigiissutigaa. Taamaattumik tamanna piareersarniarlugu suleqatigiissitanik suligasuartussanik pilersitsisoqassaaq.

-Kommunini pinngortitamut avatangiisinullu suliassanik nuussineq.

Aalajangiineq:

Politikikkut Ataqaqatigiissarisooqatigiit ilisimatitsissut tusaatissatut tigussagaat.

Immikkoortoq 6 a)-mut – Naligiissarinissamut ataatsimoortumillu tapiissutinut ilusissap suliarineqarnera

- **JWJ:** Aaqqissuussinerup nutaap 2015-imi januaarimi atuutilernissaa pisariaqarpoq. Toqqagassat pingajuat naapertuunnerpaavoq. Tamanna ataatsimiinnissap tulliani aalajangiunneqarsimassaaq.
- **HEBE:** Toqqagassat aappaat pingajuallu eqqartorneqarsinnaapput.
- **ACNA:** Toqqagassat Sermersuumit tikkuartorneqarniנגillat oqaatigeqqinneqarporli Sermersooq peqataarusuttoq kisitsisillu aallaaviginiarai, paasissutissat tatiginartut pigineqanngillat. Periuseq 2015-imi atuutilersinneqarsinnaasoq nukinguppallaarlugu sulissutigineqassanngilaq aamma innuttaasut akuutinneqartussaammata.
- **VQ:** Kommunit akornanni paasisaqartoqassaaq kommunillu aaqqiissutissat siunnersuuteqaqquneqarsimapput tamannali ajornarsimavoq. Naalackersuisut pisoqanngikkaangat akuliuttariaqarput. Kommunit kissaataat tamarmik ataatsimiinnerup tulliani ilaatinneqassapput aaqqiissutissamillu nassaartoqassalluni.

Aalajangiineq:

Sulinerit taaneqartut pingaartinneqarnissaat inassutigineqarpoq, 2015-imut ataatsimoortumik tapiissutit pillugit 2014-ip affaani siullermi isumaqatigiissuteqartoqarsinnaaniassamat, kiisalu naligiissarinissamut ataatsimoortumillu tapiissutinut ilusissaq nutaaq sapinngisamik UPA 2014-ip aallartinginnerani politikikkut akuerineqarsinnaaniassamat.

Taamaattumik sulinerup allaffissornikkut salliutinneqarnissaa politikikkut ataqatigiissarisooqatigiit naatsorsuutigaat.

Immikkoortoq 6 b)-mut – Ulloq unnuarlu paaqqinnittarfinnut inassuteqaatit pillugit nalunaarusiap akuersissutigineqarnera

- **ACNA:** Tusarniaanermut akissutip politikikkut suliarineqarsimasup kingornatigut nassiunneqarnissaa Kommuneqarfik Sermersuup kissaatigaa. Meeqqat/inuusuttut Danmarkimiitinneqartarnerat akisuvoq Nunatsinnullu angerlartinneqarlutik tamaani paarineqassapput.
- **MLO:** Akissutissarput kommuninit ataatsimoorunneqartariaqarpoq. Tamatumunnga pisariaqartut pigineqalerpata tamatuma pinissaa Namminersorlutik Oqartussat aalajangiusimavaat. Taakku erseqqinnerusumik allaaserineqarumarput.
- **ACNA:** Toqqagassat isummerfiginagit suliassat kommuninut nuunneqarnissaat kissaatigineqarpoq.

- **MA:** Inassuteqaatip allanngortinneqarnissaa kissaatigineqarpoq tamannalu isummerfigineqarsimangilaq. Inassuteqaammi allassimassaaq nuussinissamut iliuusissatut pilersaaruteqarnissaq sioqqullugu piumasaqaatit suut naammassineqarsimassanersut.

Aalajangiineq:

Immikkoortoq 6 b) ataatsimiinnissap tullianut kinguartinneqarpoq KS-ilu nalunaarusiamut akissummik politikikkut akuerisamik piaartumik nassiussissaaq. Immikkoortoq ataatsimiinnissap tulliani eqqartorneqassaaq inassuteqaat suliarilluagaq nutaaq aallaavigalugu.

Immikkoortoq 7-imut Tulliani ataatsimiinnissaq:

Nunaqarfinnik ataatsimeersuartitsinermut atatillugu tulliani ataatsimiittoqarnissaa, tullianillu sap.ak. 36-mi ataatsimiittoqaqqinnissaa aalajangiunneqarpoq.

Immikkoortoq 8-mut Tamalaat

ACNA: VQ-p kommunit Naalakkersuisunut apeqqutissaqartillutik saaffiginninnissaannik kaammattuisup kaammattuineratigut suliffissaaleqineq pillugu **JEK-p** apeqquteqartoqarnissaa naatsorsuutigisinnaavaa. Aningaasaqarnikkut inissisimaneq pillugu **ANNN-ip** Kommuneqarfik Sermersooq sap.ak. tulliani ataatsimeeqatigissavaa.